

吉林通志



吉林通志卷一百十三

人物志四十二 忠義

劉鳳彩

藍翎披甲委官

依凌阿

六品披甲委官

薩英阿

六品兵委官

同春

兵委官

保福

常陞

富明阿

德凌

依

里佈

海山

常春

依凌阿

六十五

喜德

魏玉

常亮

烏爾喜春

克斐阿

依哩佈

常

山

藍翎六品

奎林

雙永

富春

德山

雙德

丁

祿

藍翎六品軍功

德福

德全

富林

雙成

明山

永

清阿

升福

富德

慶喜

劉柱

富恆

馬萬

和

藍翎旗彙

德克金保

台隆阿

旗彙

景林

富奎

六品

藍翎
領催

常陞

藍翎
翎催

六十一

常陞

榮太

胡圖

哩

三喜

薩凌阿

胡圖里

成貴

吞多洪阿

慶奎

富壽

六品軍
功領催

順福

永連

七品軍
功領催

常

福

雙海

六品頂
戴領催

富爾党阿

領催

依蘭保

杜隆

阿

雙海

廣順

富壽

恩貴

和成

保順

雙有

明亮

常成

奇順

富克阿

台斐音

富恆

盛林

富順

傅明山

永陞

烏雲太

雙全

凌春

雙喜

永陞

海青阿

圖桑阿

雙林

托克通阿

阿常阿

雙明

七興阿

凌

壽

富恆

盛德

進煥忠

雙柱

貴明

代豐

阿 勝保 常林 朱隆阿 烏凌阿 德祥 德

青阿 安平 常喜 忠福 永慶 永德 忠陞

德祥 吳凌阿 英太 富海 太平 雙春

依凌阿 霍隆阿 春和 喜順 德凌阿 藍翎前鋒

凌春 依薩佈 吉哈那 順喜 永常 全壽

常貴 德先 滿福 莫凌阿 常祥 六品頂戴前鋒 八

十四 前鋒 富亮 富勒琿 峯林 德全 依凌阿

德林 德凌 春福 忠林 常春 平山 保

明 富臣 塔吉 明春 順安 海明 克興阿

常山 依興阿 德海 五品藍翎披甲 常陞 高鳳祿

六品藍翎披甲 全來 瑞慶 阿克棟阿 德春 九成

六品軍功披甲 全順 春德 成順 明升 景林 七品軍功

披甲 玉慶 七品頂戴披甲 雙全 藍翎披甲 全興 德明 英

壽 穆精 春喜 德勝 富成 富林 永林

永福 祥春 鄭儉 舒林 雙全 永連 常

勝 韓富明 披甲 張勝春 雙喜 成喜 五成

連升 富喜 色克吉佈 托克托佈 開明阿

富永阿 保德 保慶 凌春 慶林 德壽 保

成 丁春 富興 榮林 雙太 西林 常順

永德 楊桑阿 胡圖哩 太平阿 德印 雙慶

佟順 七十六 維托保 阿木昌阿 常祿

祥林 壽常 貴全 安升阿 榮山 依爾東阿

保升 春有 德珍 長春 雙福 成海 富

春 春德 春喜 關福 德全 錫文 常林

德慶 關福 明連 常祥 丁柱 常林 松林

德喜 成福 富勒琿 富亮 春林 春喜

達郎阿 和亮 塔吉 全喜 三保 成山 爾

德佈 徐成 慶順 奎海 春海 慶順 成喜

蘇青阿 德成 托克通阿 額勒登額 依克

塔佈 瑪欽保 朱爾洪阿 都凌阿 成順 青

海 善貴 雙慶 依順 胡圖哩 七十四 巴

克坦佈 德明阿 成太 奎和 海山 永林

劉鳳 吉祥 五十六 文林 永貴 連陞 石

太 全喜 喜貴 全山 慶奎 多福 萬祥

索柱 英林 全升 全英 奇成阿 三歌 春

福 勝奎 依興阿 全林 貴常 隆春 烏林

保 喜升 全太 榮海 德貴 花翎 祿全 馮

申 德順 雙明 玉忠 春祿 英祿 西隆阿

富奎 滿倉 富喜 慶德 明貴 成太 依

常阿 石全 雙喜 成喜 富喜 常順 方保

富山 春山 富春 祿有藍翎兵 成祿 永福

盛福 富山 德山 富來 富亮 依薩佈

德昌 增祿 全祿 依克坦佈 馬彥太 哈豐

阿 凌福 英順 永山 雙壽 巴林保 德昌

雙福 慶奎 德海 祿有 德安 和錦 穆

精阿 德奎 色楞額 六陞 富豐太 丁喜

奇成額 慶壽 依常保 達春 九成 烏凌阿

石成 德保 明陞 關陞 薩炳阿 全陞

英喜 雙全 滿壽 富明阿 大成 全有 插

隆阿 烏爾棍阿 常柱 德山 富成 富玉

關福 恩特恆額 雅哩哈 八十九 金永 榮

山 春福 常海 德全 海林 吉勒通阿 春

福 雙祿 全海 常英 德陞 豐陞阿 博金

太 雅隆阿 壽德 恩喜 穆精阿 成羣 全

慶 富順 忠先保 圖慶 富德 德陞 胡圖

凌阿 常順 德勝 順福 薩凌阿 富祥保

德明 壽常 永祿 恩恆 三安 托克吞 胡

松額 采興阿 倭克錦 台精阿 石成阿 佛

忠阿 成安 和林 常德 德凌 依克唐阿

木吉楞額 倭西佈 德尊 三成 春福 德喜

成壽 凌福 盛福 三福 西忠阿 永常

德昌 奎順 博奇 春陞 勝德 額勒保 花

尙阿 恩特恆額 永陞 慶常 慶順 烏爾青

阿 全升 全保 常有 喜陞阿 英山 全祿

全林 保貴 慶福 富來 萬福 穆特阿

富保 艾興阿 凌海 貴明 常順 富亮 德

林 春和 常祿 常祥 連福 銀山 八十三

來東 德恆 巴克通阿 富海 常惠 雙有

富隆阿 楊福 常林 永慶 西林太 德福

常成 富成 榮成 德全 哈普青阿 德英

春喜 滿斗 保全 雙祿 德成 孫晏 富

克精阿 永祥 張克勤 謝富政 凌德 德祿

常慶 孟壽 勝春 三成 王凌雲 全祿

穆克登額 三喜 押爾喀 貴祿 石成 貴山

吉順 慶壽 德保 常貴 忠明 德祥 壽

恩 德喜 巴彥佈 英福 來陞 依克坦佈

利春 尼隆阿 連陞 木克得科 貴林 富忠

阿 常海 富凌阿 賽音佈 金德 何春 萬

倉 八十一 六德 富德 連陞 德陞 春祿

和凌阿 永慶 永成 成元 常敏 賽音保

常亮 八十九 爾德額 金永 富春 富奎

常春 常有 薩凌阿 秋陞 文連 英順

張正 凌福 宋德啟 常林 貢青連 富青阿

德楞額 雙福 永興 德祿 德凌 富陞阿

勝喜 忠福 唐忠 英山 烏爾滾保 富春

郭興阿 田貴 依陞阿 雙全 永吉 成福

德常 貴慶 五十六 康喜 德雲 祥林

德福 劉國才 明德 常慶 春壽 六柱 楊

增阿 趙起德 德山 富謙 春林 春福 成

和 常勝 常順 德林 慶眞 烏凌德 富和

三陞 成會 常德 春喜 廣順 慶德 富

奎 忠成 成太 張智 雙純 靳文才 永林

忠亮 台陞 順德 薩凌阿 莫爾根 太和

永常 倭西胡勒 永順 爾錦 永山 全壽

巴順 富忠阿 連陞 凍成 張鈞 劉繼先

慶貴 富永 喜連 烏隆阿 烏章阿 海隆

阿 常安 景福 德永 富太 開隆阿 保成

咬柱 木林 全祿 永林 永常 德勝 三

福 祥順 德明 德金太 郭斌 德林太 趙

顯林 恩常 順福 希彥德勒格爾 李振武

富勒春 春海 明安 永春 何德豐 奎林

景祿 永和 成福 雙喜 常明 貴林 海成

來保 祥順 德興額 全海 九成藍翎軍功 永

全六品軍功 全海 恆太五品頂戴兵 德林六品頂戴兵 德

福 關德 托克通阿 春祿 富英阿 春壽

德慶 恩特恨保 富有 永德 永山七品頂戴兵

德陞 富爾松阿 劉富勒 阿常阿 文陞 孫

永榮 春林 文奎 英祿 德祿 滿壽 慶祿

明春 豐德 全成 德山 明陞 勝安 和

常 依德佈 興安 忠祿 全陞 多壽 全柱

恩慶 六品藍翎兵

六十九 薩謙 舒德 全陞

德貴 富山 貴慶 貴福 春壽 常明 富順

柏東 那爾虎善 開青阿 全永 六品軍功兵 吉

爾嘎圖 和平 德凌 凌貴 德常 富全 德

祿 托永阿 永奎 德亮 穆春 薩雲 奎海

景興 德敏 永海 富興 英全 明福 永

全 開陞 代羣 安祿 鳳林 春海 成林

喜陞 和順 德林 德恆 恩特恆額 穆騰阿

永亮 常山 三喜 富祿 蘇隆阿 春齡

德慶 榮祥 明福 永常 凌太 盛全 永慶

全祿 全陞 額勒德恩 奎海 西拉 佈額

勒金太 袁世發 錫麟 春保 永春 英太

富祿 烏爾青阿 豐恆 穆欽 雙奎 保山

慶春 隆云 開順 常山 富成 保成 連奎

保升 盛福 關德 明桂 成壽 依克精阿

額勒德 慶云 凌福 多隆阿 富陞 成玉

勝福 雙索 塔凌阿 盛福 常陞 德喜

慶山 貴當阿 隆德 和順 苗花 連奎

陞 劉忠富 德慶 永奎 德順 劉永富 德

發 春山 全德 明奎 丁全 常祿 春阿

金山 德順 慶和 壯福 喜春 三福 色普

青阿 全福 李永恆 富陞 全祿 祥林 何

成 全德 富山 喜成 西隆阿 托恆 富陞

豐山 任才 富海 訥欽 富謙 奎春 豐

壽 富勒黨阿 全永 七品軍功兵 八十 依精阿 兵

常永 阿常 依凌阿 雙喜 托錦 雙成

恆吉 順海 滿成 成永 石連 英德 來成

明柱 吉蘭 塔隆阿 德勝 富增阿 全柱

連升 和成 和春 常永 七十一 常明山

凌順 富祥 多隆武 雙成 連陞 石全

成福 七十九 常連 德青阿 忠德 永貴

依克西春 富善 富成阿 德明阿 忠元保

春桂 吉春 保生 慶福 正順 郭爾明阿

安福 巴克坦佈 徐珍 莫爾青阿 平山 凌

壽 烏爾恭額 奎陞 德春 成春 阿克敦

貴春 雙全 雙太 雙祿 英保山 德喜 慶

林 德祥 和成額 慶德 喜慶 沙炳武 勝

林 海順 永喜 九順 色普徵額 春福 全

亮 景陞 富永 勝祿 達明阿 台青阿 安

亮 永山 花尙阿 勝福 永壽 穆凌阿 克

興阿 七十 富祥阿 奎山 保成 烏爾沖阿

雙喜 烏明阿 富明 永春 富有 永福

德壽 常順 依常阿 阿克棟阿 卓隆阿 常

陞 德凌阿 依桑阿 全福 德壽 明貴 和

成 德凌 代凌阿 托克豐阿 海亮 永陞

興林 七十九 西凌阿 巴揚阿 全有 恩特

和佈 海山 凌壽 德喜 喜貴 恆亮 胡山

全林 雙德 和明 永全 平山 海陞 台

隆阿 盛貴 全玉 雙全 富倫 德明 全祿

依郎阿 占柱 金亮 根陞 德山 代米山

喜成 喜慶 勝春 綽哈阿 舒章阿 金陞

富明 格圖肯 舒翼阿 爾德佈 阿勒綳阿

全陞 富恆 盛德 全喜 德喜 恆林 關

海 雙太 烏林 常保 西林 富明德 德福

六十一 富森佈 德山 安青阿 勝德 貴

德 永貴 永德 永成 忠太 成太 常德

慶福 德海 文升 青山 祥林 和常 富祿

全陞 德凌 德林 德壽 和明 和成額

安福 石成阿 永全 奎陞 勝保 玉喜 托

明阿 王山 德太 明升 德勝 楊有廣 德

恆 德福 雙貴 雙太 永珍 惠祥 凌山

常安 富成 依林太 保升 永壽 烏勒喜春

保明 劉英 玉陞 烏凌阿 祿全 永興

烏爾滾太 春德 雙福 海福 常壽 全山

富貴 六十一 全順 慶太 五十六 富恆

全喜 德林 隆福 富太 奎陞 勝祿 德安

海保 永林 成祥 常春 奇普陞額 奇成

阿克錦保 阿金太 烏冲阿 常德 鳳奎

雙德 佟陞 海德 依爾杭阿 富哩善 成舉

富順 秀明 連陞 成林 巴彥太 全山

富春 德新 德喜 托克通阿 三成阿 亮海

銀柱 亮永 連喜 舒雲保 立春 金壽

連明 慶德 富壽 富元 盛喜 永祥 明凌

吉祥 烏隆阿 常青 德壽 明亮 貴林

順德 增福 富祥 巴杭阿 明福 巴克唐阿

恆祿 常和 陳學永 王玉成 慶祥 永奎

景玉 黃玉銀 孫發 李翰 劉廷慶 斌恆

楊五成 富精阿 鳳山 春德 祥保 王國

田 明謙 葉廣順 全太 永全 王鑑 張國

選 何昌 德成阿 德陞 海凌阿 全陞 喜

順 富明阿 喻信 貴陞 喜成額 海陞 春

喜 富爾松阿 富凌德 全順 明陞 多隆武

永祥 常奎 依力佈 張秀 常山 三元

富山 金順 海保 榮祥 全陞 富喜 春林

常順 海陞 春山 春陽 成福 春壽 常

凌 全福 滿平阿 八十六 春明 花林佈

倭新保 六成 依常阿 奎陞 海春 烏爾青

阿 金陞 托精阿 保全 富連 德祿 同保

雙成 雙祿 德順 富隆阿 常春 永壽

五十九 恩成額 貴林 富喜 巴揚阿 全祿

常林 永喜 托精阿 貴順 九成 奇成額

成海 連成 春陞 壯喜 德興阿 艾興阿

九明阿 合英 黑德 常順 和春 富成

七十一 吉成 豐山 滿陞 劉海西丹 春全

春祥 和安 慶福 閻昭 王順 王富 勝喜

常陞 劉富才 蘇殿臣 劉永福 王祥 楊

文廠 劉順 金萬年 福升阿 達春 雙林

雙柱 喜順 永順 滿奎 倭西洪阿 常山

瑞林 常山 倭克錦 艾興阿 永林 蘇拉成

安 阿勒綳阿 史廣才 勇目 以上 入祀昭忠祠 誇德 滿洲 正紅

旗委

常祿

漢軍鑲黃旗披甲

穆青阿

漢軍鑲黃旗披甲軍

官

功保戴

德全

漢軍鑲黃旗

永常

漢軍鑲黃旗

慶雲

漢軍鑲黃旗

藍翎

旗披甲六品軍功

丁全

滿洲正白旗披甲

德壽

滿洲正白旗

以上並吉林人

石成

四喜

滿洲鑲紅旗披甲

雙凌

滿洲正白旗披甲

吳順

以上額穆赫索羅人

隆壽

滿洲正紅旗領催

舒祿

滿洲正紅旗前鋒

舒祿

滿洲正黃旗披甲

富祿

何隆阿

滿洲鑲黃旗

都隆

阿

滿洲正紅旗

榮林

滿洲鑲紅旗

穆克精阿

滿洲鑲藍旗以上甯古塔

人

穆隆阿

滿洲正黃旗

德隆

正白旗

閻丕發

韓道

樂

楊珠

王才

劉振清

鑲白旗

姜福

德泰

來盛

曹丕元

曹丕士

曹丕宵

宋二

雲成

阿 李萬

富寬

滿洲正紅旗

鄂俊

滿洲鑲紅旗

英林

滿洲正藍旗

鄭文產

民勇

白福

番役

王會成

韓明德

張林

王有貴

胡文廣

徐常亮

以上雙城堡人

清

秦

滿洲正藍旗無品級筆帖式

恩特和默

滿洲鑲黃旗委官

豪果勒

滿洲鑲藍旗

德山

滿洲鑲黃旗

恆德

蒙古正白旗

烏精阿

水手

伯都訥人
以上並

姚殿雲

舒蘭河

王斂

王斂

陳有

和 李保全

張曜

法特哈

龔九倉

盟温

王有

山

遜札堡

賈榮

蒙古卡倫

周太

葉赫站

巴彥鄂佛羅人

以上

春福

六品頂戴披甲

隆春

披甲

壽林

承德

西丹

以

滿春

披甲

慶貴

和陞

西丹

卜文祥

楊富貴

楊六成

關常有

礮勇 以上甯古塔人

祥瑞

五品花翎前鋒委前鋒

雙福

披甲委旗

喜順

披甲

永連

貴福

嘎吉塔兵

鐵柱

以上三姓人

四有

披甲伯都訥人

富昌阿

滿洲鑲白旗委官阿勒楚喀人列傳

明安

琿春人領催額委官以上附祀昭忠祠

右入祀昭忠祠及從祀者凡若而人僅據昭忠祠

牌位抄來其滿洲人駐防旗分漢人籍貫與夫死


事年月出征地方均無可考附祀者亦僅有駐防

之地及其旗分而出征之地與死事之時亦均闕

如惜其效節殉忠身膏原野僅此姓名數字孤存

天壤之間不敢聽其湮沒謹援華陽士女僅列姓

名之例類次於世職之後抄取計簿之譏不得辭也



吉林通志卷一百十四

人物志四十三 耆舊

馬維馭

慶福

薩英額 李重生

海量

侯鎮藩

牛化麟

于凌奎

于凌辰

李純英 杜仲和

趙廷植 王元賓

劉梓人

張某 田學

張大鵬

世興

常鳳官

徐大敬

潘起富

馬維馭字懍若故籍直隸元城父藩以賢遷至吉林家焉遂爲吉林人藩性孝友母兄留元城所以奉之甚備鄉人來者必賙卹之使得所婚喪皆有助見童子之秀者雖不識輒資使讀時稱馬善人嘉慶元年七十二以維馭官部郎

詔與千叟宴

賜玉如意等物及

御製詩一章年八十一卒子四維馭其長也乾隆丁未成進

士吉林甲科自維馭始由戶部主事遷員外郎本部

舉堪外任記名尋以道府用赴湖南軍營

賜金以行迴避座師改湖北授施南府府在萬山中諸苗錯處城久陟請帑修之歲饑令平糶其無告者爲出俸償直仍旌平糶者家以是境無遏糶而多恃以生又以迴避改河南授南陽府以綜覈才司老河口紫荆關軍餉復宛南書院如白鹿洞規士皆率教父喪歸服闋授江蘇淮安府河道總督以督催引河物料及外河減壩合龍等工疏請加道銜淮北各場鹽舊田鹽河運至淮安之河下過壩入運河分達各口岸巖商以鹽河淤議改海運於是河下過壩扛夫鉤手等

數千戶皆失業合詞以籲爲請於大府濬鹽河而止
海運一時爭頌之未幾卒官子四光瀛南河通判光
第附學生初維馭旣通籍弟維馭乾隆乙卯舉人

盛京教習維驄嘉慶辛酉拔貢生

廷試第一以知州用維駒布政司經歷時咸以藩積善
所致良然然吉林所隸自旗籍外多來自他方微市
日中則牽車服賈不爾弛厥負擔墾荒若創葭耳因
之富貴者間有其盛也大抵勤治生而厚於施其衰
也侈乎已而易前人之厚以薄是亦有人事獨天道

哉

慶福字賦川姓烏雅氏吉林人隸滿洲鑲黃旗道光
丁酉舉人官國子監博士謹操履而行義亦高稱於
鄉里初吉林科歲試附於奉天議建試院請學使者
案臨格於

朝旨居有頃慶福與伯都訥舉人于凌雲復以請將軍富明
阿爲疏陳

允之其經費則領荒田於官招佃分墾而會其租入旣成所
在人士不復苦跋涉黑龍江亦附試於吉林又建崇
文書院合生童月第其藝資之膏火一時文物駸駸
異厥初焉而當時與其事者請而復駁駁而復請慘

淡經營厥心特苦鄉先生沒而可祀於社若慶福者
殆其儔乎子三錫恩恩貢生候選員外郎孫三晉昌
盛京刑部主事貽穀翰林院編修峻昌候選主事出嗣
或曰爲善無不報而遲速有時其言驗矣

薩英額姓張氏字吉夫吉林人隸滿洲正黃旗道光
初任堂主事尋擢

西陵工部郎中輯有吉林外紀十卷大抵卽

盛京通志甄錄之志兼東三省而吉林黑龍江從略故
其書亦不得以著述繩焉蓋吉林

龍興地所重騎射無事文藝之末其人士亦恪守

列聖成訓渾噩相仍寢成風氣或強作解事側之大雅之林
殆不煩論議是以私家載記一切無聞薩英額所爲
蓋猶狃獲里諺曰物希爲貴豈不然哉此外有赫哲
風土記則郡人李重生所著重生字邵廉由生員以
從九品候選能詩詞工篆隸若繪事鐵筆尤佳其書
雜識三姓所聞見里言耳

海量字涵齋姓伊勒根覺羅氏吉林人隸滿洲正白
旗由貢生官吉林銀庫主事候選員外郎加四品銜
家城西柳樹屯族姓甚繁貧者至不能讀乃築屋三
楹爲義塾悉蠲所有田百八十畝以其租入資塾師

俾族姓貧者就讀牒所由存戶司而榜其屋曰趙氏
義塾蓋譯伊勒根覺羅其文爲趙也吉林擁厚資者
不乏初不聞有是舉有之自海量始且家故非裕此
其事可以風矣

侯鎮藩字之屏吉林附貢生事親孝操行不苟兼優
文學一時無閒言光緒元年

詔天下舉孝廉方正吉林建治厯有年所無與是科者至
是都人士舉鎮藩於有司以應

詔鎮藩喏曰此大科也吾吉

國家所由興

列聖龍飛未聞有此蓋難其人鎮藩何以堪之辭甚力有司
卒以名上母老不忍離雖舉屏不與

廷試以六品服終於家

牛化麟字石齋吉林人以郎中籤分戶部假歸性謹
飭處鄉黨訥訥若不能言者而勇於爲義吉林故土
城將軍富明阿易以璧入資助焉疏加四品銜地旣
苦寒或饑而無所得食往往踣於塗化麟入冬輒設
廠振粥部署有條理至者鼓腹去一切之弊無聞獨
力爲之閱若而年所全活無算旣卒子秉坤克承先
志歲振如曩時世享素封有以也秉坤官補用知府

于凌奎字星伯故山東濰縣人祖居安以歲祲挈家
至伯都訥廳遂占籍焉以力田起家父龍川好施與
所在稱之凌奎有父風而尤孝友少頗嗜讀父曰我
老矣顧汝宜治生生事足以讀責汝兩弟不然家且
絀矣則曰唯命用是出課耒耜入操籌算家日裕然
亦有由焉嘗之奉天會計所設塵肆道遇流民百數
以勺爲資問安之則曰將墾荒自活問荒所在無以
對乃資之至伯都訥以已荒分佃焉屋廬什物咸具
至者如歸咸與盡力而凌奎利乃不貲以是益恣施
予資婚嫁尤多延師課兩弟於家執禮甚謹弟讀勤

食之美於已否則大訶弟感之益厲連舉順天試而
凌辰旋成進士則喜曰可以告吾父矣年七十卒子
七若霖附貢生光霖進士工部主事嗣凌辰蔭霖進
士雲南布政使蘅霖直隸涑水縣知縣鍾霖進士以
編修記名御史蔚霖附學生候選知縣輝乎吉林著
姓矣論者以凌奎遵父命輟讀課兩弟取科名而已
乃抑與田毗市僧儕也可云孝友天故於七子償以
四進士直其然哉

于凌辰字蓮舫道光甲辰進士授工部主事累遷內
閣侍讀學士大理寺卿假歸卒其官主事部有羨銀

同官例分之獨不受中朝以爲異聞咸豐九年彗辨
山東河南江蘇三省軍務伊興額疏調翰林院編修
李鴻章與凌辰赴軍

詔如所請未果行厥後鴻章身都將相功名盛一時伊興額
以之並舉卽凌辰可知矣其官學士疏陳吉林訟獄
滋豐請專設理刑大員或如臺灣例增道員加按察
使銜事下將軍阜保議寢時同治三年也光緒八年
將軍銘安卒請設分巡道以下各官吉林稍稍就理
其端實發於凌辰自外則無徵也近在里閭去其卒
又僅十數年責安在耶

李純英吉林農家子事親以孝問家去城數里日必
走市甘旨少許以進雖有子女未始與嘗也所出得
石碣曰阿尹太夫人知爲古墓封之別壟而別壟者
穫輒倍其儕或曰是有物焉相之不然天以餉孝子
妻沒不復娶或勸焉曰吾始以婦事翁姑猶兒事父
母今知不爾吾甯鰥矣傳曰妻子具而孝衰痛哉其
言之也此故不論而刑于之化又士大夫所愧何有
於農家純英懼失父母懽心乃以孝坊欲讀書談道
之儒或猶未逮豈不難哉而郡尙家溝杜仲和暨長
春趙廷楨居撫安鄉王元賓居郭家屯皆以孝子旌

待旌者則將軍碑嶺梓人劉某康家口織席張某煙
筒山孝勾田學云夫庸行非以近名姓氏翳如不知
凡幾得孝子數人而事又多闕不能自爲一門故系
之耆舊以俟來者

張大鵬字瑞亭伊通州尙禮社人少從事章句道光
季年海疆多故冀以功名自見去而習武事由武生
援例得千總然事母孝時時作孺子慕不能遠走萬
里仗劍從戎也體故魁梧健啖母寢疾籲天誓不肉
食母愈而已寢就孱母暮年益多病晝夜侍湯藥衣
不解帶以爲常有僕婢子孫而母事必躬穢染髭鬚

手掇之不以爲嫌焉如是五閱月不復能支以勞死
死時但囑善視母勿以聞年六十有五矣母病中輒
呼大鵬家人趨視若有人側乎牀第者旣而數然由
是知死仍侍母也光緒閒以孝子旌

世興姓那拉氏隸正紅旗拉林陳滿洲也咸豐九年
以委筆帖式從征山東河南安徽江蘇累功授佐領
事親孝初母關之沒世興尙幼哀毀如成人咸豐二
年父那春泰沒啟母墓合葬焉於其旁結草爲廬以
守若將終身風雨長號哀動行路總管嘉之洎徵調
令下強以行曰移孝作忠汝親必大慰光緒十一年

卒年六十有五夫廬墓漢世爲數後亦聞有之世興
生荒徼不知書油然自動於其天非有所希慕謂賢
於古人可也

常鳳官長春府懷惠鄉人母王年二十一而父德沒
以鳳官嗣鳳官事母有至性妻子亦孝婦也母痼疾
卧牀第二十年餘朝夕在視治食飲必躬時出耕于
紡於旁轉側則起疾或劇涕淚霑衣減則近門相告
言欣欣有喜色時謂卽所生子男女未必能二十餘
年如一日或者天以報王氏之矢死靡他耶

徐大敬伯都訥廳郝家屯人故山東籍幼喪父事母

有至性母患瘡日篤皇皇醫藥之求涕淚常被面於
逆旅遇老父授以方藥頓瘥時年甫十一也兄不事
家人產而好博母嘗謂曰汝爲孝子豈不能爲悌弟
耶對曰孝悌何敢言然有母兄而不能事何子弟爲
矣所以將順之者特至子患痘瀕危聞兄病於外立
駕往逆旅治之子沒不顧亡何母亦病則請兄歸不
應伏地泣請累日乃御以行行泥淖中馬不進兄怒
疾下轅中負輓助馬行絕駛若有爲之驅者母兄尋
並愈沒年七十有二子三少者遊於庠孫曾並世儒
業

潘起富伯都訥廳雙合屯人母姜年三十六而寡嗣起富爲子甫三齡食貧撫孤僅而成立晚有目疾起富孝事唯謹雖子姓滿前而母食必先嘗時其寢興所以娛樂之無不至沒年八十有五已亦且六十哀毀逾常世有事所生而不堪令人聞見者起富嗣子也難矣

吉林通志卷一百五

人物志四十四

寓賢

張邵

洪皓

以上宋

陳韶孫

李謙亨

以上元

祁班孫

楊越

吳兆騫

葉之馨

郎廷相

王孝子

艾子誠

楊之春

戚麟祥

馬德功

張鳳來

滕半仙

以上 國朝

張邵字才彥烏江人登宣和三年上舍第建炎元年

為衢州刑曹三年金人南遷

續通志

詔求可使北朝者

盛京通志九十九

邵慨然請行假禮部尙書充通問使

安徽通志

一百六十九

金人先拘之燕山僧寺

盛京通志

後益北徒會

甯續通志

則又去中都二千餘里也

北盟會編二

邵卒

不屈

盛京通志

金嘗大赦許宋使者自便還鄉人人多

上籍淮北冀幸稍南惟邵與洪皓朱弁言家在江南

十三年和議成與皓弁南歸

宋史三百七十二

升秘閣修撰

主管佑神觀十九年知池州再奉祠卒

安徽通志

年六十

一累贈少師邵負氣遇事慷慨常以功名自許出使

囚徙屢瀕於死其在會寧金人多從之學宋史生徒斷

木書於其上捧誦既過削去復書中圓如瓠而首尾

銳目之曰木橄欖蓋其俗兒童誦習率以此又以易

講授學者為之期日升僖座鳴鼓為候講說大義一

時聽者畢至由是生徒有錢米布帛之饋賴以自給

會編三百一十二引事實子孝曾後亦以出使歿于金金人知為

邵子尚憐之宋史

洪皓字光弼番陽人按宋名臣言行續錄載皓其少先徽人唐末徙樂平之洪巖

慷慨有奇節登致和五年進士第續通志建炎時議遣

使金國張浚薦皓於呂頤浩召與語大悅皓方居父

喪頤浩解衣巾俾易衰經入對帝以國步艱難兩宮

遠播爲憂皓極言天道好還金人安能久陵中夏此

正春秋邲郢之役天其或者警晉訓楚也帝悅遷皓

五官擢徽猷閣待制假禮部尙書爲太金通問使

宋史

三百七十三 皓至太原留幾一年金遇使人禮日薄及至

雲中尼雅滿迫之使仕劉豫皓曰萬里銜命不得奉

兩宮南歸恨力不能磔逆豫忍事之邪願就鼎鑊無

悔

續通志

尼雅滿怒命壯士擁以下執劔夾承之皓不

爲動旁貴人喟曰此眞忠臣也止劔士以目爲跪請

遂流遞於冷山與假吏沈珍隸卒邱德黨超張福柯

莘俱

北盟會編二百二十一引行狀

冷山距金主所都僅百里

行狀作二

百餘里

地苦寒四月草生八月已雪穴居百家陳王烏

舍聚落也烏舍敬皓使教其八子

按宋名臣言行錄作教其二子或

二年不給以食盛夏衣麤布

宋史三百七十三

番謂四隸採

薪他山嘗久雪薪盡至拾馬矢煨麩而食

行狀

或獻取

蜀策烏舍持問皓皓力折之烏舍銳欲南侵皓曰兵

猶火也弗戢將自焚自古無四十年用兵不止者又

數為言所以來為兩國事既不受使乃令深入教小

兒非古者待使之禮也烏舍或答或默忽發怒曰汝

作和事官而口硬如許謂我不能殺汝耶皓曰自分

當死顧大國無受殺行人之名

續通志

北去蓮花樂三

十里使之乘舟一人蕩諸水以墜淵爲言可也烏舍

義而止之

行狀

方二帝遷居五國城皓在冷山密遣人

奏書以桃梨粟麩獻二帝始知帝卽位皓聞祐陵訃

北嚮泣血旦夕臨諱自撰文以祭其辭激烈舊臣讀

之皆揮涕紹興十年因牒者趙德書機事數萬言藏

故絮中歸達于帝十一年又求得太后書遣李徽持

歸是冬又密奏書曰金已厭兵若和議未決不若乘

勢進擊再造反掌爾獻六朝御容徽宗御書其後梓

宮及太后歸音皓皆先報金主聞其名欲以爲翰林

直學士力辭之皓有逃歸意乃請于參政韓昉乞於
眞定或大名以自養昉怒始易皓官爲中京副留守
再降爲留司判官趣行屢矣皓訖不就職昉竟不能
屈金法雖未易官而曾經任使者永不可歸昉遂令
皓校雲中進士試蓋欲以計墮皓也皓復以疾辭未
幾金主以生子大赦許使人還鄉皓與張邵朱弁三
人在遣中金人懼爲患猶遣人追之七騎及淮而皓
已登舟皓自建炎已酉出使至是還留北中凡十五
年同時使者十三人惟皓邵弁得生還而忠義之聲
聞於天下者獨皓而已

通志

以忤秦檜貶官安置英州

而卒

四庫提要
五十一

年六十八死後一日檜亦死帝聞皓

卒嗟惜之復敷文閣學士贈四官久之復徵猷閣學

士諡忠宣皓雖久在北廷不堪其苦然爲金人所敬

所著詩文爭鈔誦求銀梓旣歸後使者至必問皓爲

何官居何地性急義當艱危中不少變懿節后之戚

趙伯璘隸烏舍戲下貧甚皓賙之范鎮之孫祖平爲

傭奴皓言於金人而釋之

續通志

貴族有流於黃龍府

優籍者二人皓屬副留守趙倫除其籍劉光世之庶

女在金豢豕贖以重價求匹偶衣冠之家略爲人奴

者贖之數十人

行狀

惟爲檜所忌不死於敵乃死於讒

慝博學強記續通志有松漠紀聞金國文具錄傳於時

北盟會編二續通志松漠紀聞乃其所紀金國雜事始於留
百二十一

金時隨筆纂錄及歸懼為金人搜獲悉付諸火後乃

追述為正續二卷四庫提要初皓留金時以教授自給因

無紙則取樺葉寫論語孟子大學中庸傳之時謂之

樺葉四書盛京通志九十

陳韶孫廣州番禺人父瀏以罪流肇州韶孫年十歲

不忍父遠謫朝夕號泣願從父不能奪遂與俱往元史

一百九續通志過遼陽平章達春見而憫之曰邊地苦寒非

汝所堪吾當返汝故鄉韶孫曰既不能以身代父當

死生以之歸非所願也續通志五百二十六達春驚異以錢賞

之大德六年瀏死韶孫哀慟見者皆為之泣下肇州

萬戶府以聞元史一百九十七皇慶元年詔放還鄉里乃負

父骸而歸元史類編三十九旌表孝子元史二一十四

李謙亨曲沃人以儒士辟歷內臺御史山西通志一百十至

治元年春詔起大刹於京西壽安山元史類編鎖蛟兒傳謙亨

以歲饑且東作方興山西通志與御史觀音保成珪上章

極諫帝怒杖珪謙亨等黥其面元史類編竄於尼嚕罕地

元史二十七尋召還授浙東海右二道廉訪使卒封隴西

郡侯諡忠肅山西通志

祁班孫字奕喜浙江山陰人也明蘇松巡撫贈少保
兵部尙書彪佳次子生時母商夢老衲入室旣長美
姿容白如瓠而兩足重趺日能行數百里坐喜趺跏
彪佳死節與兄理孫以故國喬木自任從兄鴻孫起
兵江上傾家餉之事去或曰勿更從事於焦原矣不
聽仍結客欲有所爲祁故巨族女兄又福王后四方
簪履麇集折節下之雖屠沽負販兼收並畜家邑梅
墅其園亭在寓山柳車踵至複壁大隧莫能窮也慈
谿布衣魏耕者狂走四方爲亳社桑榆計主於班孫
或首焉發兵捕耕並及其兄弟旣讞兄弟爭承祁氏

客以併命無益乃賄脫其兄班孫遣戍甯古塔是時
禁網尙疏數年遁歸里於是兄理孫痛弟鬱鬱死矣
或物色之乃祝髮吳之堯峯去主常州馬鞍山寺所
稱咒林明大師者也好議論古今不涉佛法言及先
朝則掩面哭不止莫誰何之者居有頃沐浴曳杖繞
堂數周曰我將西歸入暮端坐逝發其篋有東行風
俗記紫芝軒集且有遺教欲歸祔乃知爲山陰祁六
公子自關外來遂反葬六公子者並大功兄弟次之
婦朱字趙璧故少師燮元女孫工詩難作尙盛年孤
燈緇帳終其身未一出廳屏班孫之歸留一妾焉旣

披緇累東游嘗言天下磨茹甯古塔第一甯古塔磨
茹吾妾籬下所生第一令人思不置其振奇大抵如
此云

楊越字友聲初名春華浙江山陰人父蕃明京口副
總兵越年十七補博士弟子員明社旣屋散家資結
客豪俠盈門將有所爲未果也其友以起兵下獄密
書乞援邏者獲焉逮戍甯古塔是時甯古塔號荒徼
人迹罕到出塞渡湍江越穹嶺萬木排立仰不見天
亂石斷冰與老樹根相蟠互不受馬蹏朔風狂吹雪
花如掌異鳥怪獸叢哭林嗥行者起踣其間或僵馬

上不得下攬其山川阨塞詭形殊勢多寓於詩既至
見其人不常厥居俾斫木爲屋覆以其皮且炕牖之
由是知室處出所攜布帛絲枲與易魚皮之屬由是
知市賈又教以誦書作字暨禮讓之節於同遣者生
養死葬及子女當婚嫁則助所不給所在化之惜楊
夫子來晚云子賓徙時年十三康熙二十八年

聖祖南巡至蘇州與弟寶泣血叩

行在願率妻子代父戍爲

駐輦問所由以罪重不允又號呼逐

御舟行數百里竄突於人馬蹂踐閒衛士鞭箠雨下兄弟出

強辭與抗幾斃卒不得達乃走戍所省視三十年越
沒故事死謫戍不得還葬孥從行者留之賓衰服跪
刑部兵部門號泣陳訴越四百五十有五日垢形骨
立愴動行路當事爲求比例遂得請賓乃扶柩奉母
范入關當柩發宵古塔其人設魚殮以祭者相屬於
道而持寶號哭如送所親焉賓著有柳條邊紀略

吳兆騫字漢槎江蘇吳江縣人少有雋才父燕勒以
進士爲永州府推官從過潯陽大別出洞庭泛衡湘
攬山川形勝發爲詩歌往往驚其長老嘗作膽賦其
師計名賞之曰此子異時有盛名然亦不免於禍性

簡傲嘗從儕輩出邑東門意氣岸然不屑俄顧其宗
人青壇作袁淑語曰江東無我卿當獨秀聞者爲側
目與華亭彭師度宜興陳其年號江左三鳳凰尤善
無錫顧貞觀順治十四年舉於鄉而主試方猷檢錢
開宗頗通關節或就其姓減方之點錢之二戈爲万
金記傳奇流聞

禁中

世祖大怒誅猷檢開宗及同考官十六人於市

是時江南房
考十有六

會順天同考官李振鄴張我璞亦以張干李萬之謠

坐誅

命覆試南北舉人於瀛臺題卽瀛臺賦以護軍二持刀夾舉
人一與試者多震懼失次則歎曰焉有吳兆騫而以
一舉人行賄者乎遂不復爲亦以夙負才名爲言者
多謫戍甯古塔將軍巴海禮重之妻葛亦閒關相從
而縱酒放歌與遷客張縉彥等爲七謫之會頗亦足
樂蓋吳偉業贈悲歌行時所未及料所著詩及駢體
文見秋笳集者氣體益遒上視少作不侔矣康熙二
十一年

聖祖遣祭長白山因爲長白山賦並序使者以

聞其辭曰長白山者蓋東方之喬嶽也晉臣袁宏有言曰東

方萬物之所始山嶽神靈之所宅我

國家肇基震域誕撫

乾圖

景厯萬年鴻規四表則茲山者所以昭應

皇輿合祥

帝室與有巢之石樓少典之軒臺同焜燿於方載者也

皇上聖文臨御神武膺符慶洽人祗化隆海嶽仰欽

祖德禮報

神邱爰

詔侍臣致崇禋秩牲璧儷於羣望懷柔及於百神瑞檢雲陳

穹壇星麗煌煌乎

聖世之盛儀埒虞柴而軼漢祀矣夫南山薦馨班固以小
臣作頌西嶽展禮杜甫以布衣獻賦草莽微臣竊附
斯義乃作賦曰猗茲山之峻極眇羣嶽而獨尊體青
瑯以出震標皓靈而燭坤揭龍荒而作鎮頰鵬溟以
爲門參二儀兮永峙表三成兮莫倫徒觀其大勢也
則截嶭替崑穹窿峭峽窈邈嶙峋壇漫莽貫迴漠漠
以橫被崛毳毳而極上距遼碣睨朔壖轉挹婁睨朝
鮮亘喬基於千里造曾椒於九天赫兮無儔峭兮迴
拔嶺輪糾以爭互巖巋曩而相峴峯千仞兮縞曜壁

萬尋兮瓊潔鬱騁險兮橫霧詵負高兮帶覽

五結洵切

東極之神隩詎西崐之可埒爾乃循覽四麓考其周

綴爰有黑松巨林馭蔓黝邃玃天有極縈地靡際既

貺坂而連延亦籠山而推唯根樞危以鱗羅葉捷獵

而羽翳拏莖含飈以鬱翳攢柯冒霧而叢倚靄兮沈

沈靄兮旣旣歛陰火於空心感陽波於槎葉

叶羊至切

頽道而欹卧忽推壑而側植

叶直吏切

信亥步之未跡知

禹築之莫暨

自山麓至半山皆黑松林亘三百餘里不見日月樹根相糾如網地皆深淖馬

行七日

乃畢於是黛凝複嶂烟暝虛嵐森稍陬互插濕嘯

崑景晻暝兮罕曜途淫湫兮增湍而層陰於遙巘髮

荒徑於修巒杳荒岡兮晝合暮儵寥緜兮夏凝寒其
中乃有黑鷗青鷁蒼鷹素鶻皎鵠碧鸚迅鶻俊鷁風
騰猛腦霜披勁翮唳吭朝朝奮翰彌弋或命儔於杪
顛或接巢於枝格隣金眸兮高睇厲青骸兮下擊緇
采頰輝殊材異質喧聒相驚淦躍自鶩鼓嘴距以增
聲毳羽毛而成積極翔羣之詭錯咸沸卉而斯集若
夫虺虺之儔昆駮之屬伏虺長嘯豪豨振于麇麇昏
髡於積岨熊彪駭矚於叢木豺獬斷斷以猛噬豨縱
驚透而紛逐般首勁角園題從目昏嗥晨响風馳雷
蹴慄林振壑殷巖駭谷至乃青颺黃颺華貂文豹挺

修豪之温潤含鵬采之煒烈豆目賜睽麥髯狎獵棲
迹曾冰冑蹤盛雪竄木末而騰趨穴巖窺而競捷羌
托體於寒陬疇效珍於華闕伊奇類之夥够嗟難得
而殫說爾乃林徑欲窮迭溪半墳轉干盤而漸高出
九折而逾礙紆蹇產竦嶒峴豁修渚響湍瀨滌濯龍
之滄淵欲納鶯

按卽兩
訥殷河

之雙派殷雷地底倒景天外

駭河流之淩薄劃巖垆而訇磕棧鬱盤於迴溪路屣
屣於巉峴澗礙空兮誰涉崖踐虛兮儼對於是豁閉
直裂疇嶮如憑抗術阡於鳥際超軌躅於雲層邀半
漢以上躋軼隆巔而究升周步山極肆目岩徑曠若

砥原坦若廣庭纖條不竦殊榛罕莖寒蕪莽莽石道

冥冥何嶒嶸外峙而唐壇內平

山巔極平坦無樹木惟荒烟蔓草滿目縱

橫而爾乃羣巒結瑤以峻起千岩削玉以攢立頽砭已

含皓以堉垣崕岷繚素而叢襲造五色以相煥綿百

里而環晷類瑤臺之偃蹇宛瓊樹之崩斲

石崖高七十丈白如

瓊玉四環山頂廣袤八十餘里

仰重霄兮可捫俯下方兮無極互陰

晴於膚寸攬星辰於盈尺伏岑嶽而返眺訝雷雨之

下黑爰有千齡之冰太始之雪嵌空峭窅并凌摩岳

六尺皚皚表丈嶻嶭迎素秋而競飛涉朱炎而自冽

嶰壑森凄以月鑒咳嶠炯晃而鏡澈乍消長於新故

疇畢究其融結紛銜耀兮遠映何吹律兮可熱

從山趾至

巔高二百里其上冰雪叢積歷夏不消

爾其混同之本鴨綠之源衍為

神池以宅乎其間

池在山之極頂縱餘五里橫八里北流至松花烏拉入黑龍為混同

江南流至朝鮮為鴨綠江一統志云池廣八十里者謠也

曾瀾廣濶靈液淪漣振

以曲碕之礪碎繚以襄岸之駢田含靚如拭積明若

空乍風披以湫澁倏霞烝而潰洩鑿翠啟鱸滿之徑

躡雲構鮫人之宮爾乃疏隘陜穴屨磴跳潛沫駭奔

涳汨瀆阿而瀉瀑雪冰岩而瀕落徂南驟北趨浥聚

猗清靈源於千頃淪神委於二江

叶姑紅切

若其堪竇之

所潛演穹廡之所瀆激灌似確投洞若機疾並騰傾

而灑珠遂奔揚而綴壁羣流既溱四派乃馳灑瀉崇

岑墮厓峻岐颯沓雨集激冽烟霏挂流層碧之表淪

波空翠之隈倒銀潢而半瀉矯皓蜺而迴飛四月間池水及

石罅東泉先開其出之水凡四派穿白石崖而下挂流百丈聲若驚雷於是澹沲安翔

蜃蟪四會漾漾混濤澎湃振瀨抑魚龍之餘怒集大

坻而為匯潤兮永指晶兮徐邁出乎松花之陬注乎

烏龍之外四派之水至尼雅穆尼雅庫匯為一流以入於松花烏拉所以宣天綱

之含布壯朔野之襟帶若考其瓌奇之所窟宅珍瑋

之所景彰則夜珠流照於素波頰玉攄采於青岡人

獲抗莖于椒陰良楛挺筍于松陽人蔓生于椒樹之陰石崖外松林極

目其間環生楛矢
卽肅慎氏矢也

靈趾駢螭而容與羽人撫鶴而棲

翔畢山經以撰異莫茲嶽之靈長

相傳其上有仙靈
往來擅射麋鹿者

卽雲霧
迷徑

至其出納望曦懷吐雲霧苞陰陽以靈秘通

元漠而神護小眾山于壑敦渺七表于指顧崕欽則
千帀未殫縹碧則萬重紛聚頓挺拔之地軸俛嗟哉
之天柱故能上當辰曜仰禱

帝居抗基卓犖翔勢扶輿踞蒼門而表神宅並青岱而闢仙
閭赫彤雲之晝聚焯紫氣之晨敷孕造夏之玉宇識
臨代之寶符啟潛躍于

聖祖臻景錄于

皇圖藏瑤牒兮可埃涌金精兮詎誣瑞我

清兮億載永作固兮不渝先是京師諸故人多與謀

賜環貞觀尤力大學士明珠子成德故與善感所寄兆騫

金縷詞二闕言於其父賦既奏大學士宋德宜刑部

尙書王士正徐乾學偕成德等釀贖鍰以進得放歸

乾學士正爲賦入關詩誌喜於是居絕域二十三年

矣子振臣生戌所著甯古塔紀略葉之馨者其婦翁

也四川巴縣人以第一名舉人任雲南大理府理刑

廷吳三桂亦謫甯古塔將軍以下並禮重之

七謫者
縉彥字

坦公兆騫目爲河朔英靈有江左風味江甯姚琢之
詩如春林翡翠時炫采色湖州錢虞仲方叔丹季兄

弟才筆特妙四人名並未詳震澤錢威字德維亦舉人與兆騫同謫者議論雄肆詩格蒼老此外山陰楊友聲兆騫謂鐵面虬髯詩甚清麗泰州陳編修志紀字雁羣以上書謫戍與兆騫情致殊深唱酬亦富而從受學者閩人陳光啟字昭令秀而嗜學兆騫謂北州少年此爲之冠兆騫又言與龍眠父子談詩論史每至夜分謫籍無徵知泯沒者多矣惜哉

郎廷相奉天人隸漢軍鑲黃旗由官學生歷刑部主事遷郎中兼佐領順治十五年隨征南將軍卓布泰由兩廣進平雲南以功擢河南右布政使尋轉四川左布政使時荐經兵燹殫心撫字輕徭役勸農桑修學課士兩省凋瘵獲蘇康熙八年以計典入

覲疏陳民間疾苦及爲政所先施惠所急

聖祖嘉納之擢右副都御史巡撫河南多所興革陝州靈寶
盧氏諸州縣濱於河田沒賦存民不勝其困疏免之
安陽湯陰淇尉氏中牟等縣頻年災量請蠲貸所全
活無算十一年以母喪去服闋至京會兄廷佐卒福
建總督擢繼其任

賜鞍馬等物慰遣之時耿精忠既叛復降餘孽紀朝佐等猶
擁眾不下以次平之而鄭成功數犯沿海諸郡十七
年其將劉國軒陷平和副都統伯穆赫林提督段應
舉並戰沒坐罷二十五年經營吉林船廠

聖祖起管其事時已病感

滿被恩不敢辭遂攜家之吉林力疾視事二十七年卒祀四

川福建名宦祠

王孝子者萊人也歲飢偕妻奉母渡海而東抵岸妻以疾沒而母患輒腳病獨負以行所齋乾餼盡道乞食闕干數百里至吉林止城西廢寺中仍乞以養每出得食疾歸奉母母不飽涓粒不敢嘗也旣飽負坐寺門外玩松花江及江上諸山且里歌以樂之亡何朔風大號雪瀰漫被野吉林故苦寒昔尤甚母噤不可忍睹之心摧則悉解所衣益母而自謂不寒旣而母呼不應視之僵矣大哭失聲會將軍公子獵歸經

寺外使從者問得其故急令昇逆旅温治之獲蘇言於將軍予百金營負販且給地築室養其母終天年事在甯古塔將軍移治吉林時而失其名惜也

艾子誠甯河之艾鄰邨人父文仲梓人也嘗與人鬪其人踣誤以爲死而逃雖其妻莫知所往第傳聞似出山海關云爾是時妻方娠越兩月生子誠比長有知乃問母父所在母泣語以故子誠自是惘惘如有失恆絮問其父之年齒狀貌及先世之名字姻婭之姓氏里居亦莫測其意姑一一告之或欲妻以女子誠固辭惟力作以養母越二十年母以疾卒營葬畢

遂裹糧赴遼東知者以存亡莫必沮之子誠泣然曰
苟相遇生則共返沒則負骨歸否者老死道路聞不
生還矣眾揮涕而送之子誠出關後念父避罪亡命
必潛蹤於僻地凡深山窮谷幽隱之處無不物色久
而資斧竭行乞無悔心一日於吉林馬家城山中遇
老父哀其窮餓呼與語詢得其故爲之感泣引至家
款以酒食俄有梓人攜具入子誠計其年與父等心
動諦審其貌與母所說略相似因具述其父出亡年
月且縷述家世及戚黨冀其或是是人駭欲相認而
自疑在家未有子子誠具陳始末乃噉然相持哭蓋

文仲輾轉逃避又變姓名爲王友義至是已閱四十餘年而子誠茫茫然相尋訪亦閱二十年餘矣老父感其孝爲謀歸計而文仲流落久多逋負滯不能行子誠乃踉蹌奔還質田宅貸親黨得百金再往竟奉以歸歸七年以壽終子誠得父之後始娶妻有四子其事蓋在乾隆時

楊之春山西太原人嘉慶間來吉林爲逆旅主人養母母史病癩善怒發則筆楚橫施順受唯謹一日顯者呵殿過母大詈顯者問是其家甯獨癩者耶蓋將有所治之春則自後戶出趨前數武伏道左請罪問

嚮胡不出日出受責懼母有所唐突罪益重而肩臂
間衣有血疑令袒視齒痕斑斑然母所齧也問齧時
胡不走避曰懼益母怒顯者曰嘻汝歸視母矣母置
火非所藝物且熾急撲之匍匐牀下告已滅毋恐母
怒捽首批其頰齒脫既問齒安往則以痛而抉去之
其事癩母數十年大率類此尙書鐵保以事至吉林
書旌其門曰天真至性是時有三孝子其二則曹孝
子韓孝子名迹俱湮矣之春子向陽鄰舍災而母蔡
在殯親故來者爲移室所有則號哭跪烟燄中請助
移母柩於是柩出而家燼孝子不匱永錫爾類之春

有焉

戚麟祥浙江德清人康熙乙丑進士改庶吉士授翰林院編修累官侍講學士值南書房通數學每祈禱晴雨

聖祖輒命占焉不淹晷刻

世宗嗣位尤重之嘗奉

先皇帝遺硯以賜旣引疾歸矣乃以事謫戍甯古塔至戍所語人曰吾不能逆觀以免於禍亦數也雖然某年吾當歸已果

賜環

馬德功字子明故籍山東遷奉天復州尋隨父廷琪
來居吉林缸窑之南屯性孝友樂善居復州時尙幼
出糴米遇山東流民饑無人色念與已故鄉貫傾橐
與之乃橐沙歸置橐疾趨詣塾廷琪詰得笑而不之
責也居平排難解紛於將訟者尤力負而不償多焚
其券道光四年歲祲回兵變旋平而屯派兵車費中
錢八百千有奇屯戶無以應則言於父曰與比閭流
亡吾家某鋪存錢可任此曰與汝弟議之弟亦賢對
曰父兄命之矣何議嘗於郡城逆旅獲遺物一裹檢
視有楮錢三百千待其人昇之十二年入秋遽霜無

穫屯中極貧戶以口計者百餘出積粟二百石接日
日給踰歲乃止其後償者受之否亦不問生平大率
類此年七十有八飭家人治斂具預示以期至期命
酒整衣冠據几坐盡兩酌就榻而沒子綏艇娶王氏
年三十而綏艇沒事親御下一時稱女宗課子籍於
學其沒有婦女百數哭送其柩子姓多不識蓋好振
施有翁風云

張鳳來字韶儀安徽鳳陽府人道光季年北應京兆
試報罷而家沒於水來遊吉林衣冠岸然甚古莫誰
何也久之分巡道顧肇熙延教其子一時學者亦多

從其遊好易晚有得於河洛之學閒作小賦自娛多
任天語善同知廉瑞及鄉人記名海關道宋春鰲比
沒春鰲經紀其喪而廉瑞營葬事其塚在會城東門
外有碣其碣有銘略曰黔婁有婦伯道無兒旅瘞萬
里雖有道者其能自釋於冥漠與否殆不可知噫

滕半仙者不知其名山東籍同治閒流轉吉林初會
城至琿春必徑甯古塔滕以爲紆獨身鑿山開路閱
二十餘年防軍卒成之視舊近四百里今黑石道是
也生平無他嗜好弊衣履長物一椎一鑿所在義而
飲食之後不知所終因名以半仙云

吉林通志卷一百十六

人物志四十五

列女

塔思泰妻

巴彥達哩妻舒穆魯氏

雅克舒妻吳氏

同格妻阿蘇氏

邱福德妻瓜爾佳氏

閔安泰妻喻氏

凌柱妻赫舍里氏

伊達色妻郭氏

德得妻姚氏

訥伊松額妻顏札氏

倭克精阿妻吳氏

阿爾京阿妻關氏

任九富女弟小俊

貴昌妻楊郎氏

赫舍里氏富陞女

李本業聘妻張氏

徐立中妻馮氏

梁文達妻陳氏

張氏

郝化芳妻王氏

于占鼇妻張氏

賈人某妻劉氏

劉銖妻欒氏

李汝斌妻張氏

馮應魁妻盧氏

張卓妻安氏

郭同生聘妻紀氏

衣尙志妻姜氏

劉珍聘妻任氏

劉氏袁氏張氏

朱氏子妻于氏

于九如妻張氏

楊維清妻馬氏

金廣年妻蓋氏

秦繼宗妻李氏

劉芝妻某氏

靳繩祖妻席氏

魏清妻傅氏

孤景增妻楊氏

王清山妻袁氏

李殿寵聘妻孫氏

李彥亮妻張氏

王瑞琳妻劉氏

郭其昶妻徐氏

王振翰妻張氏

王連沅聘妻李氏

霍氏女

王氏子聘妻梁氏

朱貞修妻于氏

董秀姐

徐景秋妻劉氏

吳廣信妻沈氏

于乃軾妻張氏

王作正妻劉氏

趙氏子聘妻吳氏

吳某妻高氏

吳氏女

王氏子聘妻李氏

伊爾根覺羅氏吉林烏拉正白旗塔思泰妻塔思泰
沒自計欲從死則襁褓中兒亡人血食所係欲留撫
之則年少而美恐無以自完也於是斷髮毀容屏處
一室子長納婦始出而受拜前此雖親串莫之面焉
乾隆十六年

予旌

舒穆魯氏歸吉林烏拉正黃旗巴彥達哩以賢孝稱
巴彥達哩將沒日以老母稚子爲累矣對曰所不卽
與君偕亦職是故相持痛哭者久之旣而事親撫孤

動中禮法乾隆十七年

予旌

吳氏歸三姓正藍旗披甲雅克舒土豪馮仁豔之久
覬隙欲污焉大罵以拒氣竭聲嘶卒以不辱爲所害
乾隆十九年

予旌

阿蘇氏吉林烏拉正紅旗前鋒同格妻也同格之沒
家無餘貲蹙然日未亡人已矣顧親在旨甘不具可
乎由是早夜作苦資以爲養知者難之乾隆二十二
年

子旌

瓜爾佳氏歸琿春正白旗卽福德二年生子而寡舅
姑旣先亡矣家又貧父母憐之規奪其志則泣訴於
夫之從父憫而膳焉父母往視強以歸旣有所聞中
夜冒風雪抱其孤走數十里至從父家從父曰卽福
德不死矣子長授室有孫瑚松阿官侍衛逮養若而
年年九十六乃卒

喻氏歸吉林鑲白旗閔安泰家貧姑老他無期親而
閔安泰沒用縫紉浣濯爲養姑安之旣沒營斂若葬
皆積年約口腹所儲者族人敬其賢孝以再從子閔

瑞芳嗣納婦生孫知者曰閔安泰之弗墜厥祀也尸
之未亡人

赫舍里氏歸琿春鑲黃旗凌柱甫三月凌柱沒室中
哭者咸曰天乎若少婦何哭應之曰彼天故能斲我
耶其夜遂自縊

郭氏吉林烏拉正黃旗伊達色妻有趙官濟者窺其
獨處冒入將犯之倉卒無可呼援力擱其面墜齒官
濟負痛且怒遂害之乾隆二十二年

予旌入祀節孝祠

姚氏字吉林正藍旗德得年二十九未婚而德得沒

姚氏聞之曰女從一者也且有父母之命媒妁之言
遂衰服歸婿家以老乾隆二十九年

予旌

顏札氏知書明大義許繼瑋春正黃旗侍衛訥伊松
額室而訥伊松額以領隊大臣從征金川以殉疆場
一日顏札氏夢有浴血立鏡下者叱問爲誰曰訥伊
松額也悸而醒以語母氏母曰何作此不祥語而訥
以是日至哭請於父母曰夫其靈馳萬里要兒矣兒
不忍負之也父母從其志衰經往拜主留不復歸時
年十九撫前妻子多倫保有恩義多倫保亦以孝稱

歷官協領嘉慶三年

于旌

吳氏生員德麟之女字吉林正藍旗倭克精阿倭克精阿沒訃至毀容絕粒父母譬之泣曰兒非往爲喪主誓不生矣遂輿往親爲之斂然後成服數日不勝哀而沒旌年未詳

關氏歸吉林委官阿爾京阿咸豐十一年從征戰沒羅山縣吉林馬隊名天下而出殉疆場忠骸多不歸或脾係辮髮橐載以車驛致數千里外以畀其家蓋天下至酷也關氏檢遺衣招魂以葬而家無長物含

悲茹苦撫子博祿十數年襲阿爾京阿雲騎尉世職
納婦何生孫英奎而博祿英奎相繼沒何氏嗣族子
英敏奉姑關氏以守蓋關氏之摧心可想而何氏之
矢志彌難矣姑婦並

救封宜人且以節婦旌而領催慶順披甲雙福青順亦從

征戰沒慶順妻吳氏雙福妻張祖氏青順妻丁氏並
守節待旌此外旗籍待旌者吉林則富平阿妻瓜勒

佳氏德豐阿妻孟氏庫金阿妻張氏貴壽妻傅氏殷

凱妻楊氏俄莫和蘇羅則英德妻何氏伯都訥則凌

德妻胡西哈拉氏百順妻扎胡哩氏常明妻塔齊勒

氏胡成妻博勒吉特氏永福妻瓜勒佳氏和春妻礼
斯胡哩氏伊通則雙喜妻關劉氏海保妻孫劉氏岳
松阿妻于齊氏常海妻關金氏常順妻劉薛氏夫
國家不惜一二字之褒以曲慰天下究之數十年苦節
能貞亦豈爲茲綽楔而一邑一鄉舉者輒累牘未舉
者不知幾何也嗚呼

任小俊三姓崇庫爾站丁九富女弟流人高某調姦
不從出白刃脅之拒益厲與母王及九富並爲所戕
光緒十三年

予旌

國家有三尺法付有司使之禁暴乃法所不及至使弱女子以死自衛謂之何哉

楊郎氏歸三姓附學生貴昌事翁姑以孝聞亡何貴昌病沒治喪事唯謹然不甚哀翁姑固意其有死心矣繩絀一切皆密屏之一日拜貴昌之靈喁喁若有語起拜翁姑且拜且視淚如雨下曰兒衣慎勿易哽不成聲矣遂反其室翁知有異令姑趨視則鉛粉狼藉已倚枕而沒所衣蓋衰麻也時光緒十有八年

赫舍里氏拉林口口旗

成京副都統富陞女也父疾亟禱神願身代且割臂和

藥以進亡何疾瘳女則憊甚矣創發因以沒豈神果

許之耶

以上八旗

張氏吉林誠信社人字李本業本業沒訃至匿不使知張氏聞於弟慮有他卽絞髮要父母趨婿家哭奠
柩前自誓年二十一嘉慶四年

予旌

馮氏咸豐二年歸吉林尙禮社徐立中越九年立中沒無出舅姑老矣心憂婦去而他時無覆以一抔孤其麥飯之望馮氏旣窺其意私痛於中又不忍指天日自矢觸二老悲惟益謹所以事之人有恆言曰節

孝馮氏其然

陳氏字吉林永智社梁文達文達之沒泣請父母歸
梁氏族人避之遴子姓之秀者以爲嗣曰是宜有後
也

張氏吉林居仁社人歸王春芳故無行數規之不聽
一日負博進無以償或曰渠有婦在何患春芳心動
歸盛言倡家之樂張氏曰已無行而並將辱我耶趣
之出仰藥死聞者哀之

王氏歸吉林居仁社庖人子祁化芳雖微也婦道克
盡化芳寢疾晝夜侍湯藥瘁無人狀垂沒問所以自

處曰吾無子女自處易耳喪葬禮畢仰藥死年二十有一父役於歙縣汪士仁爲請當事聞諸

朝

予銀建坊入祀節孝祠且表其墓

張氏吉林六品軍功于占鼇妻占鼇沒將歛爲質語指其死謂所親曰吾生與爲夫妻豈可使獨死遂亦沒蓋仰藥久矣

劉氏籍吉林所居未詳繼賈人某室撫前妻子有恩居二年旣娠而賈病謂曰有錢二千貫媿而男也無論卽女亦與前兒均對曰好自養子男女事我亦不

能爲政也賈沒而產女送葬歸抱其女且泣且乳旣而置女理妝仰藥以死

樂氏吉林居仁社劉銖妻生一女而銖沒時年二十有三舅姑語其父母曰旣不幸而又貧也奈何乎兒則泣先父母對曰是有命幸無他言卽凍餓死不悔由是奉事益謹舅姑相繼沒喪葬儉而中禮嗣夫弟錄之子教之以母兼父姊姒若戚屬莫不賢而化焉蓋非僅以節著者

張氏吉林居仁社李汝斌妻年二十一汝斌沒無子親屬問所以守曰有猶子二又喪其母氏吾撫之幸

而成立亡人兄弟各子其一此吾所以守他非所知也

盧氏知書有婦德故籍直隸撫甯縣旣僑吉林歸諸生馮應魁年二十八應魁與秋賦謂曰不幸親沒冀以科名顯揚然道路遼遠資斧非百金不可不能數辦必得之乃歸否者以兩兒爲卿累矣答曰行也君何憂旣再報罷留滯京師久之音問都絕產蕩於夫弟餽粥不繼稱貸姻族或謂之曰是可常乎且遊子去鄉久而無耗事殆可知何不自爲計盧氏大慟曰君不我助亦已矣是何言由是三旬九食俾子輟讀

而商各授室家婦劉亦有賢行方年八十獻觴爲壽
時兩子已前沒謂劉曰吾與若茹荼蘼有年今幸溫
飽見孫與曾孫良足爲樂然念若翁甘心科名徇之
逆旅則樂不勝其悲也又四年乃沒而應魁者羈魂
不返殆猶望賜第如方干矣噫

安氏吉林永智社張卓妻年二十五卓沒有二子而
苦貧或意無以守矣乃晝出薪爇夜歸紡績并日而
食卒爲子納婦生孫或以節母頌焉曰始吾但以呱
呱者不可棄而父於呱呱者不可忘何節之有然方
二子未娶窮山破屋晝夜必挾與俱蓋有微旨也

紀氏字吉林誠信社郭同生幼穉也亡何同生沒父
母將爲改字卽走郭氏白所以願留爲同生守舅姑
哀而許之年始十三耳光緒三年旌

姜氏故籍山東甯海縣年十七歸吉林廳城時未衣
升府

尙志家初非裕佐以儉勤養舅姑則極豐腆旣寡教
子衣雲甚至以貲官郎中同治五年廳城加修廓捐
銀六千兩助工

封兩代三品母教也光緒八年姜氏年百歲有司聞於
朝旌其門曰貞壽

任氏吉林居仁社人年十六許繼劉珍室未娶而珍

沒聞訃奔其喪撫前妻子襁負中以至成立甚有母儀光緒八年旌

劉氏年二十五殉夫姜汝富旌以光緒九年袁氏年二十三殉夫戴雲鶴旌以十二年張氏年三十一殉夫杜成旌以十五年並吉林居仁社人也噫同一里閨先後六載而煒然有烈婦者三社曰居仁信乎其仁矣悲夫

于氏吉林府人光緒八年由廳升府歸同里朱氏子娠而夫病

日夜祝生男既生女也而夫沒其女則前三日決夫不起斃之矣於是數仰藥救免舅姑挽其父母迎歸

開譬夫葬有日徧拜父母若兄弟行登車以去葬日辨色起侍其姑盥櫛畢反室更衣卒自絞也方在疾不數數哭泣蓋自斃所生女已以身與死盟故雖稽時日而百折不回如此未幾母家弟婦張氏亦以烈聞

張氏歸于九如數年九如病亟與之訣且勸自愛答曰孰謂君死而我乃獨生乎九如沒八日仰藥以死人初不知蓋懼如于烈婦爲救者所持也

馬氏吉林紅旗屯人歸同里楊維清年二十一而維清沒子曰芳林生始四月而翁姑並七十餘用十指

爲事畜子長娶婦生孫柏齡婦沒又撫孫至成立性
好施予鄉里有急斥簪珥及衣濟之不惜卒年八十
有四以曾孫貴封二品夫人而曾孫女或以貞或以
孝與其節遙相輝映云楊貞女柏齡次女也字庠生
林煥春年十七于歸有期煥春沒僵卧三日不食父
兄譬喻甚至不答至許爲煥春守乃哭謝歸林營葬
事家貧也翁姑老多疾夫兄癡而嫂瞽以勤儉相措
柱兄遣子來省視睹其窮瘁至爲流涕以祖母命要
之歸盡日輒返或強留焉則泣曰祖父子孫懽然自
得奉事亦不乏人吾翁姑待我爲炊頃未知食否也

忍不返夫諸父悲而賢之以其孫嗣楊孝女則柏齡
幼女歸郡人董貞一在室時母高病危及左手小指
和藥以進遂瘥兄知以金爲之指且銘其上曰寸指
寸金寸心旣適貞一三十而寡敬事翁姑門以內食
指繁數於孝女無間言年今八十有奇五世同堂閻
氏者柏齡之孫婦也初將來歸祖母病醫藥皆窮寡
母幼弟計無所施則潛割臂肉燂湯進之病良已歸
楊日母與理衿襦乃得其故哭失聲志於節婦貞女
若孝女例分編以仍世媿美類傳焉而閻氏亦附著
蓋變例也又柏齡子誠一官直隸永年縣知縣則所

傳貞女孝女之兄也其孝女歸郡庠生于慕忱亦嘗
割臂愈母張疾以孝女稱云

蓋氏者居吉林涼水泉而金廣年之妻也廣年貧眇
一目所識牛春善治生未娶一日戲語廣年汝何修
而得美婦廣年心動曰若豔我婦予我百金我以婦
予若春曰善汝婦不從奈何曰姑言之則偕往廣年
先入謂曰相守貧死耳牛春許我百金聘汝爲妻汝
得所而我亦資以生孰與相守俱死蓋氏曰貧死命
也以貧而鬻其婦生何心矣噉然哭廣年出語春是
宜緩計俄而哭頓止入視已自縊於壁疾呼春共解

之春因摩弄其足甦以足抵春仆走厨中取刀自斫其足立墜遂昏卧血泊中鄰里趨視唾廣年且將執春春懼請奉百金者療之廣年亦自悔非人力營負販育子姓甚繁而蓋氏之聲大著沒光緒十有八年昔人傳列女有乞食逆旅逆旅主人牽其臂而自以刀截之者以爲不可以一體汙一身其與蓋氏後先同揆而貞心烈氣茶視冰霜矣

李氏籍吉林居仁社年十九歸同里秦繼宗事翁姑以孝聞而繼宗善病數禱於神願減己算延之卒不起翁姑知將以身殉哭謂之曰新婦死從亡兒則得

矣吾二人者焉託由是留事翁姑且以族子爲繼宗
嗣年今五十有五待旌其同社待旌者荆隣之妻朱
氏嚴敏之妻秦氏楊潤之妻梁氏自外劉年之妻馮
氏李廣德之妻張氏林向青之妻鄭氏李泰之妻甯
氏甯克才之妻孫氏甯興文之妻于氏張日怙之妻
周氏戴廣龍之妻赫氏孫有兒之妻張氏大抵皆郡
人而郡人之社可詳者克勤社喬永順之妻張氏存
儉社胡興之妻馬氏其附郭則東關侯殿魁之妻牛
氏又農安縣農康社張鐸之妻沈氏農儉社裴悅寬
之妻李氏農和社曲學禮之妻常氏亦待旌

某氏伊通州尙禮社人歸同里劉芝紉於生事佐之
以勤六年而芝沒有子三齡家徒四壁立矣用十指
自活且俾其子列弟子員久之又沒無子爲擇族姓
嗣之嘗曰四十年未亡人何者不厯而仍奪吾子所
謂天者果有之耶年今七十有二而長春郭家屯劉
氏歸同里王某旋沒誓死以守族人曰不可使無後
也爲立嗣所嗣卽孝子王元賓之子也並待旌

席氏敦化縣人歸同邑靳繩祖年二十九繩祖沒教
二子使一耕一讀怡怡然也治家嚴整寡居數十年

雖親近罕見

傅氏歸敦化縣魏清清沒日茹荼蓼而舅姑之養無缺舅姑沒斂且葬教三孤皆有成論者曰是其心宜耗盡無點血矣

楊氏敦化縣孤景增妻年二十八景增沒作苦養姑及子姑沒竭力營殯葬子尋授室夫單門搯拄恃一貧窶未亡人得不謂之難乎

袁氏長春懷惠鄉人歸王清山清山病將沒從兄清海來視私語之曰弟婦苦亦至矣僅一女而貧何以守弟死當令母女得善所毋多要索時已微聞欲哭慮傷病者心強忍焉憎仆於地既甦乃噉然曰我不

能以身與人易錢也清山沒旋葬訖早夜取舊衣
爲女改製十數事一日清海偕戚屬至有所議議罷
將語之已自終於別舍時其鄉又有孫烈女

孫氏幼字李殿寵殿寵沒請奔喪母氏不可遂不食
越三日母曰我老矣兒死我亦何用生爲乃強起踰
年別爲議婚知不可止乃語鄰女曰我所以忍死冀
終母天年今不復能待也沐浴理妝飲藥而縊李氏
迎與殿寵合葬焉

張氏長春懷惠鄉人歸李彥亮年二十七彥亮病垂
沒謂曰吾有兄與弟至事病母則在若矣泣許焉母

病十餘年不離牀第飲食一切雖有娣姒惟張氏之適於是悲纏心骨抑不自露而視聽於形聲之無夫兄若弟負博進無以償則斥奩具好謂之曰請償以此後勿博者可乎兄弟亦深自悔艾治生致小康門以內雍雍然也則尤彥亮沒時所望不到此者時同里劉氏亦以節著其言殊嚴雋可喜云

劉氏歸王瑞琳瑞琳沒年始二十一鄰婦以無出勸改適曰雖無子女不有翁姑爲新婦所當事乎且而故有夫夫亡勸改適而夫不而懼乎族人趨其言以子嗣之

徐氏居長春府懷惠鄉歸生員郭其昶生一女其昶病沒年二十有二舅姑知其性烈謂曰兒不難一死奈二老暨呱呱者與兒共命何由是抑而受教奉事備至舅姑相繼沒罄所有營葬女長里俗或贅婿爲嗣所親以爲言曰宗祧不可亂也卒嗣其昶從子霖鄉黨稱女宗或曰徐節婦云

張氏長春府沐德鄉人適王振翰振翰病且沒執手謂曰以年之少又無所庇以生死目不瞑矣泣對曰此無慮果不幸當與偕探枕畔所藏示之毒物也振翰瞑卽服以死光緒十三年

予旌

李氏字長春恆裕鄉王連沅連沅沒聞之仰藥死夫
曰貞女恩則未接情則未孚徒顧名義而爲之守雖
復百年皆無聊賴之歲月死宜也然而恩故未接情
故未孚至徇名義而爲之死抑亦酷已

霍氏居長春大家溝幼所許字者沒或飲其家道而
嗟惜之聞遽入室久不出父母就視自縊死矣所許
字爲誰不獲附霍氏以傳其有餘恫乎

梁氏者名坡長春西北鄉人幼字同里王氏子貧未
克婚而以豔著近村孫某富室也出貲誘其父母以

爲妾行有日矣聞則迹婚所在告以故偕亡婚之姑
氏孫訟於廳倅判歸孫歸孫之夕自縊死梁氏迫歸
活命之婚不得謂私逃婚與已聘之妻偕亡不得謂
拐帶且恃財肆暴此良有司所亟欲治也斷而歸孫
於律奚據誰歟廳倅曷不尸諸

于氏伯都訥廳人歸同里朱貞修性端淑姻族無間
言年二十五貞修沒家之人意必殉之也防特嚴則
故揚揚若不甚戚於是稍弛遂自縊以死光緒六年

予旌

董秀姐伯都訥廳人生十九待字同里于某至強暴

也遇將污之且罵且盡死力以拒至爲所殺卒不辱
光緒六年

予旌

劉氏伯都訥廳郝家屯人歸徐景秋年二十八而景
秋沒翁慟子病癩姑前沒穢濁狼藉所在與湔除無
後言時其飲食唯謹如是十餘年鄰里聳異子二俾
長者讀衣食不給而所以供師必豐或就其子談藝
輒欣然具鷄黍嘗謂之曰汝但能讀父書我窮餓死
亦含笑入地矣

沈氏伯都訥廳人歸吳廣信年二十九而廣信沒家

蓋貧甚矣有兩歲孤而姑年已老於是任其十指晝
夜不遑幾三十載姑終養喪葬所資及子長授室皆
拮据於手而又節口腹畜之者也光緒十六年

予旌

張氏五常廳安惠社人年十九歸同里于乃軾未期
乃軾沒日天豈欲絕于氏乎於是出奩貲奉姑請爲
翁置妾舉二子子長又罄奩貲爲娶婦旣舉子以嗣
乃軾其事翁姑亦極其孝而身享大年于氏不絕如
縷實似續之人定勝天觀張節婦可見也光緒十六
年

予旌

劉氏奉天復州人歸五常廳生員王作正年二十六作正沒事舅姑舅姑忘喪其兒撫子女子女如嚴其父也家政井井然鄉里以爲法光緒十六年

予旌

吳氏雙城堡人通詩禮字同堡趙氏子趙沒爲之鬻或曰室女而鬻非禮也曰禮不云父母許嫁笄乎卒矢死以守嘗

予旌其年未詳

高氏者雙城堡人爲強暴所迫不辱死所天則吳氏

也嘗被旌其年與事及所天之名宜有尸其責者哀
哉

吳氏失其里居字趙氏子名亦未詳未婚而所天沒
爲斬衰以守終其身窮鄉僻壤類此者幾何且有並
姓氏不得而識焉者嗚呼

李氏幼字阿勒楚喀之黃溝王氏子年十五以疾沒
聞欲往弔父母阻之則泣曰兒已字人此身非父母
有也強留何爲遂病病三月而瘥得洋藥服之語父
母曰慈兒者以兒尸畀王氏於是王氏迎其喪啟穴
合葬焉時光緒十有五年而吉林永智社楊貞女字

同里王殿殿沒誓死以守他事實未詳亦旌典所宜
及